

Os accidentes de tráfico contanse por decenas na parroquia gonde mare de Vilaza. Aínda que ninguén perdeu a vida aínda na estrada que une Pegonegro e Areña, os veciños consideran que resulta moi perigosa. Por iso, realizan un estudo de tráfico e seguridade co fin de reclamar unha solución administrativa.

O presidente da Asociación de Veciños O Castelo de Vilaza, Avelino Otero, asegura que cada ano se producen decenas de sinistros. "A maioría deles a causa do exceso de velocidade. Son moitos os coches que baixan a 140 ou 150 quilómetros por hora por este vial", argumenta.

Como resultado da condución temeraria por esta parroquia, cada poucos meses aparecen muros derribados. "Hai unha familia que tivo que erguer un muro dunha finca en repetidas ocasións. E xa non é a primeira vez que vos carros entran, literalmente, no baixo dunha casa que se encontra preto dunha curva", explica Avelino Otero.

O perigo se acrecenta ao existir numerosos nenos e persoas maiores na parroquia. "Temos unha escola infantil na parroquia, os maiores cruzan a calzada de forma máis lenta e mesmo hai xente que circula con animais ou con tractores cargados", sinala o presidente de O Castelo.

Co fin de aportar unha solución ao problema, directivos da asociación acudiron a Delegación Provincial da Consellería de Política Territorial, Obras Públicas e Vivenda para pedir máis sinais de control de velocidade, pasos de peóns e sinalización no entorno do centro escolar.

Ante a disposición da consellería a acabar con esta situación, os veciños presentarán o informe acompañado de fotografías. neste sentido, o colectivo anima aos veciños a aportar ideas para as incluír no estudo.